



## **Universitätsbibliothek Paderborn**

### **Instructio practica ...**

Succinctam Doctrinarum Asceticarum Svmمام Comprehendens - Quam ad majorem omnium in Ascesi proficere cupientium utilitatem ac subsidium

**Lohner, Tobias**

**Dilingæ, 1685**

Caput IV. Doctrinæ aliæ Speciales circa Perfectionem ab Ascetis tradi solitæ.

[urn:nbn:de:hbz:466:1-48214](#)

## C A P U T I V .

*DOCTRINÆ ALIÆ SPECIALES CIRCA  
PERFECTIONEM AB ASCETIS  
PRÆSCRIBI SOLITÆ.*

I. Ex hactenus dictis facile corollaria quædam deduci possunt, quæ, sicut naturam perfectionis non modicè illustrant, ita meritò per diligenter notanda sunt ab eo, qui perfectam Theologiæ Asceticæ notitiam hautire cupit.

II. Et primò quidem colligitur, gravem esse errorrem eorum, qui falsò sibi persuadent, perfectionem in asperitatibus corporis, & aliis similibus exercitiis consistere; nam, ut rectè Abbas Moyses apud Cassianum coll. 5. pronunciavit, *jejunia, vigilia, meditatio Scripturarum, nuditas ac privatio omnium facultatum non perfectio, sed perfectionis instrumenta sunt, quia non in ipsis consistit disciplina finis, sed per illa pervenitur ad finem.* Unde sicut non ille dicitur bonus Artifex, qui bona instrumenta habet, sed qui peritè illis uti novit; ita nec ille perfectus censeri debet, qui ejusmodi asperitates velut instrumenta perfectionis suscepit, sed qui easdem ad debitum finem, scilicet caritatem perfectam obtainendam ordinare didicit.

III. Secundò colligitur, etiam eos graviter errare, qui ex illustrationibus aut consolationibus divinis profectum suum in perfectione metiuntur; nam, ut sapienter pius Asceta l. 3. de imit. Christ. c. 7. advertit, *merita (atque adeò & perfectio velut radix & causa meritorum) non sunt ex hoc estimanda, si quis plures visiones aut consolaciones habeat, vel si penitus sit in scripturis,*

14 Cap. IV. Doctrina alia & speciales circa perfectionem  
ris, aut in altiori ponatur gradu, sed si verâ fuerit hum-  
ilitate fundatus, & divina charitate repletus: si DE  
honorem pure & integrè semper querat; si seipsum ne-  
reputet, & in veritate despiciat, atque ab aliis etiam de-  
spici & humiliari magis gaudeat, quam honorari.

IV. Tertiò colligitur, etiam eos necdum per-  
fectionem afflictos censeri debere, qui nullius, aut cer-  
non multarum imperfectionum aut culparum si-  
conscij sunt; nam, ut prudenter S. Gregorius I.  
Dial. advertit, plerumque hi, quos jam perfectos homin-  
es stimant, adhuc in oculis summi Opificis aliquid habe-  
imperfectionis. Sic sèpe imperiti homines necdum po-  
fectè sculpta sigilla conspicimus, & jam quasi perfec-  
taudamus, quæ tamen adhuc Artifex considerat, & lo-  
mat; laudari jam audit, & tamen ea tandem melioran-  
non desinit. Cui consentiens D. Augustinus l. 2. in P.  
93. Cum post pœnitentiam, inquit, aliquis bene viver-  
cœperit, habet adhuc, quod cogitat: ne sibi tribuat, quod  
bene facit; sed illi gratias agat, cujus gratiâ factum est,  
ut bene viveret, quia ille illum vocavit, ille illum illumi-  
navit. Ergo iste jam perfectus est? non, adhuc, aliquid  
ipsi deest; quid illi deest? ut non superbiat super eos, quod  
necdum sic vivunt, quomodo ipse vivit. Unde altissi-  
mè menti ac memorie inscribenda est, verissima, &  
notatu dignissima pij Ascetæ l. 2. c. 11. doctrina:  
Si dederit homo omnem substantiam suam, adhuc nihil est.  
Et si fecerit pœnitentiam magnam, adhuc exiguum est. Si  
apprehenderit omnem scientiam, adhuc longè est: Si  
habuerit virtutem magnam, & devotionem nimis ar-  
dentem, adhuc multum sibi deest, scilicet unum, quod  
summè sibi necessarium est, quid illud? ut omnibus reli-

*Etis se relinquat, & à se totaliter exeat, nihilque de privato amore retineat; cùmque omnia fecerit, quæ facienda noverit, nil se fecisse sentiat.*

V. Quarò colligitur, sicut, ut modò dictum est, non sta im perfectus censendus est, qui nullas in se, aut certè non multas culpas deprehendit; ita nec illum vicissim statim argui debere perfectionem non affecatum, qui aliquoties se ex fragilitate in peccata venialia labi advertit, sicut enim domus illa mundissima dicitur, quæ quamprimum aliquis fordidis pedibus ingressus est, statim eluitur, & purgatur; & sicut Dux militaris, si constanter hostem impugnet, & vellicet, egregij Ducis nomen obtinet, licet eum non omnino expugnet, & deleat; imò Interdum minus feliciter pugnet; sic perfectus censi quis potest, etiamsi interdum in venialia aliquot peccata ex fragilitate labatur. Nam, ut rectè iterum Kempensis Asceta l. 1. c. 3. dixit: *Omnis perfectio in hac vita quandam imperfectionem habet annexam*, & ut S. Hieronymus in epist. ad Celantiam ait, *hac una presentis vita perfectio est, ut te imperfectum agnoscas.*

VI. Quintò colligitur, etiam eos non leviter errare, qui uno quasi impetu & conatu perfectionem assequi cupiunt, & non ordinatè potius per gradus ad eandem pervenire conantur, nam ut S. Bernardus s. de S. Andrea sapienter advertit, *nemo repente fit summus, & ascendendo, non volando apprehenditur summitas scala.* Quod confirmans S. Laurentius Justin. in proœm. de grad. perfect. quisquis, ait, *in Spirituali exercitio cupid perfectionis culmen attingere, juxta Prophetæ admonitionem ascensionis sibi in corde componat gradus, per quos de virute in virtutem proficiens, ipsum*

DEVM

16 Cap. IV. Doctrinae aliae speciales circa perfectionem

DEV' M ex parte comprehendere valeat, à quo plenius  
simè comprehensus est. Hinc S. Paulinus Episcopus in ep. ad Sever. Christus, ait, sicut in illo homine, quem gessi, ita in nostris mentibus quosdam gradus corporeæ atatu exequitur, nascitur, crescit, roboretur, senescit, sed orans, ne in nobis diu aut jugiter parvulus, aut infirmus aut pauper sit.

VII. Sextò colligitur, non omnes ad perfectionem hanc summam vocatos esse, atque adeò non omnes etiam promiscuè ad eandem exhortandos esse, sed potius saluberrimam doctrinam à S. Gregorio in c. 19. gen. prolatam ob oculos habendam esse, dum ait: Mons altitudinem virtutum designat, ad quam Angelus hortatur: qui non viderit, se posse ascendere, mulius est, ut in Segor, id est, in parvula civitate remaneat, contentus laicali & communi vita, quam montem virtutis arripiat. Est civitas hac juxta Eccl. juxta dicitur, & tamen ad salutem tutta, quia activa vita est nec mundi curis ex toto discreta, nec à gaudio salutis aeternae aliena.

VIII. Septimò tandem colligitur, eos, qui ad perfectionem hactenus descriptam à DEO vocati sunt, nunquam veram quietem capturos, nisi assequi illam sincerè studeant; nam, ut sapienter Abbas Joannes dixit in sua collatione, miserum est, cujuslibet artis ac studij disciplinam quampliam profiteri, & ad perfectionem ejus minimè pervenire.



PARS